



SLUŽBENI GLASNIK

GRADA VISOKO

GODINA LVI

Visoko, PONEDJELJAK 05. decembar 2022. godine

BROJ 9

90.

Na osnovu člana 21.Statuta Grada Visoko ("Službeni glasnik Grada Visoko", broj: 10/21), Gradsko vijeće Visoko, na 22. sjednici, održanoj 30.11.2022.godine, donijelo je

ODLUKU

o utvrđivanju visine naknade za nadzorne odbore i odbore za reviziju javnih preduzeća i upravne i nadzorne odbore javnih ustanova i visini plaće za direktore javnih preduzeća i javnih ustanova Grada Visoko

Član 1.

Ovom Odlukom utvrđuje se visina naknade za rad nadzornih odbora i odbora za reviziju javnih preduzeća i za rad upravnih i nadzornih odbora javnih ustanova i način utvrđivanja plaća za direktore javnih preduzeća i javnih ustanova čiji je osnivač Grad Visoko.

Član 2.

Naknada za predsjednika i članove nadzornog odbora za JP "Veterinarska stanica" d.o.o Visoko, JP "VisokoEkoenergija" d.o.o, JKP "Visoko" d.o.o i JKP "Gradska groblja" d.o.o Visoko, kao i naknada za predsjednika i članove upravnog odbora JU "Dom zdravlja" Visoko, utvrđuje se fiksno u mjesečnom iznosu i to:

- Za predsjednika 250,00 KM
- Za člana 200,00 KM

Naknada za članove odbora za reviziju u javnim preduzećima, utvrđuje se fiksno u mjesečnom iznosu i to:

- 150,00 KM.

Član 3.

Naknada za predsjednika i članove upravnog odbora za JU "Centar za socijalni rad", JU

"Centar za kulturu, sport i informisanje", Javna ustanova za predškolski odgoj i obrazovanje Visoko, JU "Zavičajni muzej" Visoko, JU "Gradska biblioteka" Visoko, utvrđuje se fiksno u mjesečnom iznosu i to;

- Za predsjednika 200,00 KM
- Za člana 150,00 KM.

Član 4.

Naknada za predsjednika i članove nadzornog odbora JU "Centar za socijalni rad", JU "Centar za kulturu, sport i informisanje", JU "Zavičajni muzej" Visoko, JU "Gradska biblioteka" Visoko, utvrđuje se fiksno u mjesečnom iznosu i to:

- Za predsjednika 80,00 KM
- Za člana 70,00 KM.

Član 5.

Sredstva za isplatu naknada utvrđenih u članu 2,3 i 4. ove Odluke obezbjediti će se iz sredstava javnih preduzeća, odnosno javnih ustanova.

Utvrđena naknada neće se isplaćivati u mjesecu u kojem nije održana sjednica nadzornog odbora i odbora za reviziju javnog preduzeća, odnosno sjednica upravnog ili nadzornog odbora javne ustanove.

Član 6.

Nadzorni odbori javnih preduzeća, odnosno upravni odbori javnih ustanova utvrđuju visinu plaće direktora javnog preduzeća, odnosno direktora javne ustanove u skladu sa Zakonom.

Član 7.

Nadzorni odbori javnih preduzeća, odnosno upravni i nadzorni odbori javnih ustanova dužni su da u roku od 30 dana od dana stupanja na snagu ove Odluke, svojim aktima propišu način sazivanja i održavanja sjednica tokom mjeseca kao i druga pitanja bitna za njihov rad.

Član 8.

Zadužuje se Služba za finansije, privredu, poslovne prostore i ekonomski razvoj da prati realizaciju ove Odluke.

Član 9.

Stupanjem na snagu ove Odluke prestaje da važi Odluka o utvrđivanju naknade za Nadzorne odbore javnih preduzeća i Upravne i Nadzorne odbore javnih ustanova i visini plaće za direktore javnih preduzeća i javnih ustanova općine Visoko ("Službeni glasnik Općine Visoko" broj 1/17) i Odluka o izmjenama i dopunama Odluke o utvrđivanju naknade za nadzorne odbore javnih preduzeća i upravne i nadzorne odbore javnih ustanova Grada Visoko i visini plaća za direktore javnih preduzeća i javnih ustanova ("Službeni glasnik Grada Visoko" broj 7/21).

Član 10.

Ova Odluka stupa na snagu danom objave u "Službenom glasniku Grada Visoko".

Broj: 02/1-02-322/22
30.11.2022. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

91.

Na osnovu člana 113. stav (1), člana 165. Zakona o zaštiti od požara i vatrogastvu ("Službene novine Federacije Bosne i Hercegovine", broj: 64/09), člana 105. Zakona o zaštiti od požara i vatrogastvu Zeničko-dobojskog kantona ("Službene novine Zeničko-dobojskog kantona", broj: 5/11), a u skladu sa Odlukom o utvrđivanju radnih mjesta u profesionalnoj vatrogasnoj jedinici na kojima se staž osiguranja računa u uvećanom trajanju i načinu uplate doprinosa za staž osiguranja u uvećanom trajanju ("Službene novine Federacije Bosne i Hercegovine", broj: 8/11), Pravilnika o unutrašnjoj organizaciji gradskih službi Grada Visoko, broj: 01/2-02-75/22 od

28.01.2022.godine i člana 21. stav 1. tačka 2. Statuta Grada Visoko ("Službeni glasnik Grada Visoko" broj:10/21), Gradsko vijeće Visoko, na 22. sjednici, održanoj dana 30.11.2022.godine, donijelo je:

ODLUKU**o utvrđivanju radnih mjesta sa uvećanim trajanjem radnog staža u Gradu Visoko****Član 1.**

Ovom Odlukom utvrđuju se radna mjesta u profesionalnoj vatrogasnoj jedinici u Službi civilne zaštite Grada Visoko na kojima se staž osiguranja računa u uvećanom trajanju, a prema utvrđenim radnim mjestima u Pravilniku o unutrašnjoj organizaciji gradskih službi Grada Visoko.

Član 2.

Stož osiguranja u uvećanom trajanju računa se na način što se 12 (dvanaest) mjeseci efektivnog staža računa kao 15 (petnaest) mjeseci staža osiguranja profesionalnim vatrogascima, starješinama i zamjenicima starješina vatrogasne jedinice koji obavljaju operativne poslove vatrogastva u profesionalnoj vatrogasnoj jedinici u Službi civilne zaštite Grada Visoko, na sljedećim radnim mjestima:

- Starješina Profesionalne vatrogasne jedinice;
- Zamjenik starješine Profesionalne vatrogasne jedinice;
- Viši referent- rukovodilac akcije gašenja požara;
- Referent vatrogasac;
- Referent vatrogasac- automehaničar;
- Referent- vatrogasac vozač.

Član 3.

Za vrijeme provedeno na bolovanju preko 42 dana ili plaćenom odsustvu po bilo kojem osnovu dužem od 30 dana u toku jedne godine, ne računa se staž u uvećanom trajanju.

Član 4.

Služba civilne zaštite i Odsjek za opću upravu, ljudske resurse i normativno-pravnu djelatnost Službe za opću upravu i zajedničke poslove, te Odsjek za finansije Službe za privredu, finansije, poslovne prostore i

ekonomski razvoj Grada Visoko dužni su voditi evidenciju o radnim mjestima i zaposlenim na radnim mjestima na kojima se staž osiguranja računa sa uvećanim trajanjem.

Član 5.

Gradonačelnik Grada Visoko će za svakog zaposlenog na jednom od navedenih radnih mjesta iz člana 2. ove Odluke donijeti pojedinačno rješenje čiji je obrađivač Odsjek za opću upravu, ljudske resurse i normativno-pravnu djelatnost u Službi za opću upravu i zajedničke poslove Grada Visoko, a za obračun i uplatu dodatnog doprinosa za penzijsko i invalidsko osiguranje za navedena lica zadužuje se Odsjek za finansije u Službi za privredu, finansije, poslovne prostore i ekonomski razvoj Grada Visoko.

Član 6.

Ova Odluka stupa na snagu narednog dana od dana objavljivanja u "Službenom glasniku Grada Visoko.

Broj: 02/1-02-323/22
30.11.2022. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

92.

Na osnovu člana 13. Zakona o principima lokalne samouprave („Službene novine Federacije BiH“, broj: 49/06 i 51/09) i člana 21. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 22. sjednici, održanoj 30.11. 2022.godine, donijelo je

ODLUKU

o prodaji službenih motornih vozila u vlasništvu Grada Visoko

Član 1.

Odobrava se prodaja tri službena putnička motorna vozila u vlasništvu Grada Visoko, sljedećih karakteristika:

Marka i tip vozila	Registarska oznaka	Vrsta pogonskog goriva	Broj šasije i motora	Godina proizvodnje	KW ccm	Predena kilometraža	Važenje registracije	U voznom stanju
M1- putnički automobil, ŠKODA, 6y, FABIA 1,4	A62-E-741	BENZIN, EURO 3	TMBPH16Y623476345	2002.	1397 (44)	154 555km (utvrđena na osnovu zadnje evidencije)	23.04.2021.	NE
M1- putnički automobil, ŠKODA, 6y, FABIA 1,4	A62-E-742	BENZIN, EURO 3	TMBPH16Y023455622	2002.	1397 (44)	174 959km (utvrđena na osnovu zadnje evidencije)	01.06.2022	NE
M1- putnički automobil, ŠKODA, 6y, FABIA	K84-J-272	BENZIN, EURO 3	TMBPH16Y723456153	2002.	1397 (44)	179 675km (utvrđena na osnovu zadnje evidencije)	09.09.2022.	NE

Član 2.

Prodaja motornih vozila iz člana 1. ove Odluke realizovat će se putem javnog nadmetanja – licitacije uz obaveznu objavu u jednim dnevnim novinama i na web stranici Grada Visoko.

Član 3.

Prodaju će izvršiti Komisija za provođenje javnog nadmetanja, koju će posebnim rješenjem imenovati gradonačelnik, a koja će prije objave nadmetanja obezbijediti mišljenje Pravobraniteljice Grada Visoko i nalaz i mišljenje stalnog vještaka saobraćajne struke.

Član 4.

Nakon izvršene prodaje izvršit će se isknjižavanje motornih vozila iz člana 1. ove Odluke iz Knjige osnovnih sredstava Grada Visoko.

Član 5.

Ova Odluka stupa na snagu danom objave u "Službenom glasniku Grada Visoko".

Broj: 02/1-02-324/22
30.11.2022. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

S A D R Ź A J		Strana
I GRADSKO VIJEĆE VISOKO		
90.	Odluka o utvrđivanju visine naknade za nadzorne odbore i odbore za reviziju javnih preduzeća i upravne i nadzorne odbore javnih ustanova i visini plaće za direktore javnih preduzeća i javnih ustanova Grada Visoko	1
91.	Odluka o utvrđivanju radnih mjesta sa uvećanim trajanjem radnog staža u Gradu Visoko	2
92.	Odluka o prodaji službenih motornih vozila u vlasništvu Grada Visoko	4

Izdavač: Grad Visoko, ul. Alije Izetbegovića br. 12A, Visoko

Uređuje: Muhamed Halilbegović, viši stručni saradnik

Glavni i odgovorni urednik: Zekija Omerbegović, sekretar Gradskog vijeća, **Telefon:** 032/732-502

Štampa: Grafički obrt „REMIX“ Visoko, **Telefon:** +387 32 746 038, **Mob:** +387 61 780 698